



PEKELILING PENTADBIRAN
BILANGAN 50 TAHUN 2017

**PENETAPAN SEMULA TERMA RUJUKAN
JAWATANKUASA TRANSFORMASI DI
UNIVERSITI TEKNIKAL MALAYSIA MELAKA**

Pejabat Pendaftar
13 November 2017

Disalinkan kepada:

Naib Canselor
Timbalan Naib Canselor (Akademik & Antarabangsa)
Timbalan Naib Canselor (Penyelidikan & Inovasi)
Timbalan Naib Canselor (Hal Ehwal Pelajar)
Penolong Naib Canselor (Jaringan Industri & Masyarakat)
Penolong Naib Canselor (Pembangunan & Pengurusan Fasiliti)
Pegawai-Pegawai Kanan

UNIVERSITI TEKNIKAL MALAYSIA MELAKA

UTeM.02.05.03/100-3/2/1 Jld. 6 (50)

13 NOVEMBER 2017

PEKELILING PENTADBIRAN BIL. 50/2017

PENETAPAN SEMULA TERMA RUJUKAN JAWATANKUASA TRANSFORMASI DI UNIVERSITI TEKNIKAL MALAYSIA MELAKA

1.0 TUJUAN

Pekeliling Pentadbiran ini dikeluarkan bertujuan untuk memaklumkan semua staf Universiti mengenai keputusan pihak Universiti atas kelulusan Mesyuarat Lembaga Pengarah Universiti Bil. 4/2017 pada 7 September 2017 berkenaan penetapan semula terma rujukan Jawatankuasa Transformasi di Universiti Teknikal Malaysia Melaka.

2.0 LATAR BELAKANG

2.1 Penubuhan Jawatankuasa Transformasi telah dipersetujui oleh Mesyuarat LPU Khas Bil 1/2011 yang bersidang pada 10 Januari 2011. Jawatankuasa Transformasi ditubuhkan bagi membantu Pengurusan Universiti dalam mendapatkan sumber yang diperlukan bagi menjayakan penubuhan Fakulti Teknologi Kejuruteraan, terutama daripada aspek perundangan, kewangan, kemudahan infrastruktur dan perjawatan. Selain itu, Jawatankuasa Transformasi juga bertindak sebagai pengantara jaringan hubungan antara pihak Universiti dengan Badan-badan Kerajaan dalam mendapatkan keperluan dan sumber yang diperlukan dalam pembangunan Universiti serta memainkan peranan memantau dan memberi pandangan daripada aspek implementasi projek serta memastikan perjalanan projek tercapai mengikut pelan tindakan yang telah dirancang.

2.2 Berdasarkan keperluan semasa Universiti yang memerlukan penelitian dan perancangan yang lebih strategik di peringkat Lembaga Pengarah Universiti, terma rujukan dan fungsi Jawatankuasa Transformasi telah

distrukturkan semula. Penetapan semula ini melibatkan penyusunan semula bagi keanggotaan dan fungsi / skop tugas / had kuasa Jawatankuasa Transformasi (JKT).

3.0 TERMA RUJUKAN JAWATANKUASA TRANSFORMASI

- 3.1 Terma Rujukan Jawatankuasa Transformasi seperti di **Lampiran 1**.
- 3.2 Selaras dengan penetapan semula fungsi jawatankuasa ini dan peruntukan penurunan kuasa yang digariskan pada Perlembagaan Universiti, JKT akan bertindak sebagai Jawatankuasa Lembaga yang akan meneliti dan meluluskan implikasi sumber dan pentadbiran mengenai hala tuju dan strategi kerjasama menerusi MoA/ MoU Universiti dengan pihak luar yang telah diluluskan oleh Senat atau lain-lain Pihak Berkuasa Universiti agar sejajar dengan dasar kerajaan dan hala tuju Universiti.
- 3.3 Bagi memastikan penelitian yang komprehensif dapat dilaksanakan di peringkat JKT, setiap kertas kerja berkaitan bagi pertimbangan atau perakuan mahupun kelulusan hendaklah dinyatakan dengan jelas implikasi sumber dan pentadbiran serta risiko yang berkaitan.

4.0 TARIKH KUAT KUASA

Pekeliling Pentadbiran ini berkuat kuasa mulai **7 September 2017**.

Sekian, harap maklum.

“KOMPETENSI TERAS KEGEMILANGAN”

Saya yang menurut perintah,



MASDZARIF BIN MAHAT
Timbalan Pendaftar Kanan
Pejabat Pendaftar

/wns

JAWATANKUASA TRANSFORMASI UNIVERSITI TEKNIKAL MALAYSIA MELAKA (UTeM)

JAWATANKUASA	KEANGGOTAAN	FUNGSI / SKOP TUGAS / HAD KUASA
JAWATANKUASA TRANSFORMASI (JKT) Kekerapan Mesyuarat: 6 kali setahun	a. Seorang Ahli LPU (yang dilantik oleh LPU) sebagai Pengerusi b. Dua (2) orang Ahli LPU (yang dilantik oleh LPU) sebagai ahli c. Naib Canselor d. Timbalan Naib Canselor (A&A) e. Timbalan Naib Canselor (P&I) f. Penasihat Undang-undang g. Pendaftar sebagai Setiausaha h. Jawatankuasa boleh mengundang mana-mana orang untuk menghadiri mana-mana mesyuaratnya bagi maksud menasihatinya tentang apa-apa perkara yang sedang dibincangkan tetapi orang itu tidak berhak untuk mengundi i. Urus setia : Unit Urus setia LPU, Pej. Pendaftar	a. Menyedia, membuat, meminda dan mengesyorkan kepada LPU apa-apa dasar, pekeliling, statut, kaedah dan apa-apa undang-undang lain agar sejajar dengan dasar-dasar kerajaan terutama Transformasi Nasional 2050 dan hala tuju Universiti selain dasar-dasar yang berkaitan:- i. akademik dan penyelidikan yang kuasa melulusnya adalah Senat (Seksyen 4 dan peruntukan-peruntukan lain Perlembagaan Universiti); dan ii. kewangan yang diperakukan oleh Jawatankuasa Tetap Kewangan. b. Meneliti dan memperakukan implikasi sumber dan pentadbiran mengenai cadangan penawaran dan pelaksanaan program atau fakulti baharu yang telah diluluskan oleh Senat agar sejajar dengan dasar kerajaan dan hala tuju Universiti; c. Meneliti & menilai pencapaian penyelidikan & perundingan agar sejajar dengan dasar kerajaan dan hala tuju Universiti; d. Meneliti dan meluluskan implikasi sumber dan pentadbiran mengenai hala tuju dan strategi kerjasama menerusi MoA/ MoU Universiti dengan pihak luar yang telah diluluskan oleh Senat atau lain-lain pihak berkuasa Universiti agar sejajar dengan dasar kerajaan dan hala tuju Universiti; dan e. meneliti dan meluluskan hala tuju dan pengurusan sumber manusia Universiti.